



Načisk protokola

10. (rjadneho) posedženje Zwjazkowego předsydstwa Domowiny

datum:	pjatk, 17.03.2023
čas:	17.30 hodž. – 20:00 hodž.
městnosć:	žurla Serbskeho domu w Budyšinje
přitomni na městnje:	D. Statnik, M. Hančik, J. Bělk, W. Bejmak, B. Cyž, M. Funka, A. Hiccyna, M. Michałkowa, M. Młynkowa, D. Wowčerjowa
digitalnje přitomni:	H. Leipner, F. Albertowa, L. Dučmanowa, M. Hasacky, M. Libšowa (wot 19.20 hodž.), D. Maticowa, F. Ričel, B. Sćapan
zamołwjeni:	B. Bělk, M. Brycka, J. Clausen, D. Dyrlich, F. Grajcarekec, K. Grofa, W. Janhoefer, M. Mark, G. Šejn, L. Žurec-Pukačowa
njezamołwjeni:	J. Dünnbierowa
hosćo na městnje:	J. Šołćina, M. Końcař, B. Brězanowa, M. Di Sarnowa, A. Arlt (SN), M. Dźisławk (MDR), A. Ošika (k dypkej 2.), M. Šusterowa
hosćo digitalnje:	B. Melcher

0.

Zahajenje posedženja

wotewrjenje a powitanje / zwěsćenje přitomosće a zamołwjenjow / zwěsćenje wobzamknjenjakmanosće / schwalenje dnjoweho porjada / zwěsćenje zajatosće

Wot cyłkownje 29 člonow zwjazkowego předsydstwa su spočatnje 16 přitomni = 55 %
wot 17.54 hodž. 17 přitomni = 59 %
wot 19.20 hodž. 18 přitomni = 62 %

Z tym je wobzamknjenjakmanosć zaručena.

Wobzamknjenje č. 68 z dnja 17.03.2023:

Dnjowy porjad posedženja zwjazkowego předsydstwa so schwali.

za namjet: 16

přećiwo namjetej: 0

so hłosa wzda: 0

Namjet so z tym přiwza.
Zajatosć so njezwěsći.

1.	<p>Wobjednanje protokola 9. (rjadneho) posedzenja z dnja 27.01.2023 we Wojerecach z kontrolu zwoprawdzenja tam zapisanych nadawkow</p> <p>Žane přispomnjenja k protokolej.</p>
2.	<p>Předstajenje medijoweho projekta “LUCIJA” Serbskeho šulskeho towarstwa w ramiku strukturneje změny</p> <p>Andreas Ošika, jednačel SŠT, člonam ZP medijowy projekt nazornje předstaji a tež rozloží, pod kotrym aspektom su mjeno za projekt wupytali. Medijowa etaža skići dobre wuměnenja za džělo z džěćimi a dorosćenymi. Wažnosć kladu wosebje na wutworjenje kompetencow, kotrež maja naslědnosć. Tež džělo rěčneje mentorki so pozitiwnje na projektowe džělo wuskutkuje.</p> <p><i>Wot 17.54 hodź. je Lubina Dučmanowa digitalnje přitomna.</i></p> <p>D. Statnik džakowaše so za wuwjedzenja a zwurazni swoje wjeselo, zo je z tutym nowym projektom takrjec naslědnistwo SAEK zaručene. Tež člon zwjazkowego předsydstwa džakownje přispomni, zo je LUCIJA Staršiskej iniciatiwje Radwor z. t. kompetentny partner. Hłowna jednačelka Domowiny wupraji so chwalobnje wo džěle SŠT a doda, zo Domowina hižo poskitki wužiwa (na př. wučba serbsčiny pola B. Braumanoweje abo simultane přeložowanje M. Rječcyneje). Na prašenje člonki gremija, hač dyrbja wužiwarjo za to płaćić, wotmołwi A. Ošika, zo njejsu poskitki darmotne. Woni dyrbja dochody nadžělać a wotličić.</p>
3.	<p>Wobzamknjenja</p>
3.1.	<p>Powołanje do přihotowanskeho wuběrka “Serbske mustwo – Europeada 2024” předłoha ZP 66/2023</p> <p>Člon zwjazkowego předsydstwa so praša, po kotrym modusu je so tutón wuběrk zestajał? Pola Serbskeho Sokoła so nastupajo sobudžěla we wuběrku njeje nchtó naprašował. Po jeho měnenju by so Sokoł dyrbjał zapřijeć, wšako su tež w zašłosći Europeadu přeco sobu podpěrali.</p> <p>Jednačel Domowiny wotmołwi, zo je so přislušny referent zawěsće najprjedy raz na tych wobroćil, z kotrymiž je dotal tute zarjadowanja přihotował. Nastork člona gremija budže wón na kóždy pad dale posrědkować.</p> <p>Hłowna jednačelka kaž tež dalši člon gremija so runje tak za to wuprajištaj, zo dyrbjał so Serbski Sokoł sobu zapřijeć.</p> <p>Předsyda Domowiny zjima wuměnu a namjetuje, zo so zarjad na Serbski Sokoł z próstwu wo namjet wobroći. Prezidij móže člonstwo we wuběrku přechodnje wobzamknyć. Zwjazkowe předsydstwo móže konkretizowanje člonstwa wuběrka na přichodnym posedzenju nachwatać. Člonojo gremija namjet witaja.</p> <p><u>Wobzamknjenje č. 69 z dnja 17.03.2023:</u> Zwjazkowe předsydstwo wobzamknje:</p> <p>Domowina powoła scěhowacych zwólniwyh do přihotowanskeho wuběrka „Serbske mustwo – Europeada 2024“:</p> <p>Sven Ballack Frank Ričel</p>

Franciska Hellnerowa
Frank-Norbert Sieg
Handrij Strelow
Feliks Šwjela
Bjarnat Deleńk
Marcus Końcař
Pětr Brězan
Clemens Škoda

Za člonow wuběrka płaći prawo na narunanje po jednanskim porjedže za čestnohamtske skutkowanje. Wuběrk móže sej swójski džělowy porjad dać.

za namjet: 16

přećiwo namjetej: 0

so hłosa wzda: 0

Namjet so z tym přiwza.

3.2. Powołanje zastupjerki Serbow do Krajneje staršiskeje rady Sakskeje
předłoha ZP 67/2023

Přitomni člonoyo dóstanu blidowu předłohu ze změnu wobzamknjenja.

Wobzamknjenje č. 70 z dnja 17.03.2023:

Zwjazkowe předsydstwo Domowiny namjetuje, powolać Katrin Suchec-Dźisławkowu jako zastupjerku Serbow do Krajneje staršiskeje rady Sakskeje po § 22 wotrězk 1 sada 2 postajenja k sobuskutkowanju staršich (ElternmitwirkungsVO) hač do kónca šulskeho lěta 2024/2025. Za to wothłosuje so ze staršiskimi rěčnikami šulow ze serbskim poskitkom w Sakskej.

za namjet: 15

přećiwo namjetej: 0

so hłosa wzda: 2

Namjet so z tym přiwza.

4. Přihoty 22. hłowneje zhromadźizny Domowiny 2023

4.1. Naćisk rozprawy zwjazkowego předsydstwa wo zwoprawdženju džělowych směrnicy w lětomaj 2021 a 2022
předłoha ZP 68/2023

Rozprawa je člonam ZP z wulkeho džěla hižo znata, w přichodnych dnjach so delnjoserbsce hišće wudospoňi a rěčnje koriguje. Rozprawa njebudže w delegatnej mapje, ale budže so separatnje posrědkować.

Člon zwjazkowego předsydstwa chwaleše, zo rozprawa dwurěčnje předleži. Přiwšěm sebi hišće trochu wjetši podžěl delnjoserbsčiny přeje, na wurunanosc wobeju rěčow dyrbi so džiwać.

Hłowna jednaćelka wupraji na tutym městnje wulki džak Erwinej Hanušej za jara akribiske a spuščomne džěło.

Wobzamknjenje č. 71 z dnja 17.03.2023:

Zwjazkowe předsydstwo Domowiny wobzamkne:

Rozprawa zwjazkowego předsydstwa k zwoprawdženju džělowych směrnicy Domowiny w dobje 2021-2022 so schwali.

Wona ma so z wuprajenjemi k džělawosci předsydy, zwjazkowego předsydstwa a jeho prezidija kaž tež wuběrkow wudospoňi a Hłownej zhromadźiznje předpožić.

	za namjet: 17	přečiwo namjetej: 0	so hłosa wzda: 0
4.2.	<p>Namjet za džělowe směrnicy Domowiny za dobu 2023-2025 <i>předłoha ZP 69/2023</i></p> <p>Hłowna jednaćelka k tomu wuwjedže, zo su do předležaceho naćiska zapřijeli doporučenja a namjety džělowych skupin z posedženja ZP 27.01.2023 we Wojerecach. Naćisk je zjawnosći na webstronje přistupny a župy/towarstwa su jón pisomnje dóstali. Zamołwići župow a towarstwow maja tež hišće móžnosć k wuměnje dnja 29.03.2023 na posedženju z předsydu D. Statnikom. Namjety su witane, dyrbja pak so pruwować. Tohodla prosy wo to, zo so namjety hač do 1.04.2023 zapodadža a nic hakle na dnju zhromadźizny.</p> <p>Čłon gremija měni, zo dyrbi so digitalizacija bóle zapřijeć. Wón chce w přichodnych dnjach namjet formulować.</p> <p>Dale chce wědžeć, hač su to směrnicy jeničce za džěło Domowiny abo za “cyły serbski swět”, na což hłowna jednaćelka wotmołwi, zo towarstwam njemóžemy předpisać, što maja činić abo što wot nich wočakujemy. Rady pak jich prócowanja podpěrujemy.</p> <p>Dalša čłonka gremija ma wobmyslenja k dypkej 4.2.: formulacija njewupraji po jeje měnjenju to, štož poprawom měnja. Tu dže woprawdže wo wotewrjeny cyłk, nikomu so kompetency njebudžeja sćazać.</p> <p>Hłowna jednaćelka namjetuje, zo so kubłanski wuběrk z tutym dypkom zaběra a wotpowědnu směrnicy skonkretizuje.</p> <p>Předsyda Domowiny doda, zo džělowe směrnicy njemóža wšitke wobsahi wukładować. Doporuči, zo móht kubłanski wuběrk jedno- abo dwustronsku papjeru tomu nadžělać, zo byštaj so zapřijeće a zaměr naprawy definowalaj. Za zjawnu diskusiju by to tež spomóžne było.</p> <p><u>Wobzamknjenje č. 72 z dnja 17.03.2023:</u> Zwjazkowe předsydstwo Domowiny doporuči delegatam 22. hłowneje zhromadźizny Domowiny schwalić naćisk džělowych směrnicy Domowiny za dobu 2023-2025.</p>		
	za namjet: 17	přečiwo namjetej: 0	so hłosa wzda: 0
4.3.	<p>Informacija wo aktualnej ličbje delegatow HZ 2023 – kónčny staw</p> <p>Aktualny staw člonstwa (staw: 31.12.2022): 7.299</p>		
4.4.	<p>Namjet za jednanski porjad HZ 2023 <i>předłoha ZP 65/2023</i></p> <p>Čłonka gremija wupraji swoje zadžiwanje, zo dyrbja so dlěše diskusije přinoški přizjewić. Čehodla njedyrbjało to tež na dnju zhromadźizny móžno być?</p> <p>Tež dalši čłonojo so za změnu w dypkomaj 8. a 11. jednanskeho porjada wuprajichu. Dojednachu so na sčěhowacej změnje:</p> <p>dypk 8: “Diskusijne přinoški měli so na 5 mjeńšin rěčneho časa wobmjezować.” dypk 11, poslednja sada: “Hłowna zhromadźizna wo namjetach jednotliwje wothłosuje.”</p> <p><u>Wobzamknjenje č. 73 z dnja 17.03.2023:</u> Zwjazkowe předsydstwo wobzamkne: Zwjazkowe předsydstwo doporuči delegatam 22. hłowneje zhromadźizny jednanski porjad tuteje zhromadźizny. Hłowna zhromadźizna ma so na zakładže namjetowaneho jednanskeho porjada přihotować.</p>		

	za namjet: 15	prećiwo namjetej: 2	so hłosa wzda: 0
	<p>Přestawka wot 18.51 do 19.20 hodź. Po přestawce je Mila Libšowa přítomna.</p>		
4.5.	Namjet prezidija za zahajenje diskusije wo programje		
5.	<p>Rozprawa předsydy Domowiny, prezidija Domowiny a člonow zwjazkowego předsydstwa wo džěławosći třěšneho zwjazka mjez posedženjomaj zwjazkowego předsydstwa</p> <p>Rozprawa člonam ZP pisomnje předleži a předsyda Domowiny doda k někotrym terminam hišće informacije.</p>		
6.	<p>Naprašowanja člonow Domowiny a hosći k serbskim naležnosćam</p> <p>Městopředsyda Domowiny Marko Hančik zdžěli, zo naprašowanjow njeje.</p>		
7.	<p>Informacija k aktualnym aspektam džěławosće zarjada Domowiny a Rěčneho centruma WITAJ</p> <p>Hłowna jednaćelka rozprawja wo džěle zarjada. Hłownej nadawkaj staj tuchwilu přihot hłowneje zhromadźizny a mjezynarodneho folklorneho festiwala. Stupace kóšty su problem, kotrež wobćežuja přihot festiwala. Kulturny rum je sumu wo 17.000 € skrótsiř, tež město Budyšin wo skrótsenju swojeho podžěla přemysluje. Zawěsće su za někotre pozicije změny trěbne.</p> <p>Dale zdžěli jednaćelka, zo je we februaru młodźinska referentka Virginia Hanuzowa swoje džěło nastupiła.</p> <p>Wjednica RCW dr. B. Brězanowa nawjaza na pozitiwnu informaciju. Socialny team je zaso kompletny, tři sobudžělaćerki su so z maćerneho dowola nawróćili.</p> <p>Nažel pak stej dalje wupisanej džělowej městnje hišće njewobsadźenej.</p> <p>Swójbna schadźowanka – přeni króc w Radworju – bě wulki wuspěch, dokelž su mnozy jara skutownje podpěrali.</p> <p>B. Melcher hišće doda, zo su džensa 6 wosobow rěčne certifikaty za schodženkaj A1 a A2 wotpožili. Sobudžělaćer je z Madlenu Norbergowej šule wopytař a bookii předstajiř.</p> <p>Na prašenje člona gremija, kak hodža so stupace kóšty za MFF kompensować, wotmołwi hłowna jednaćelka, zo so wo jednotliwych pozicijach za MFF tuchwilu hišće jedna. Konkretnje wuprajenja tohodla tuchwilu njejsu hišće móžne.</p>		
8.	<p>Aktualna debata člonow zwjazkowego předsydstwa</p> <p>Člonka gremija informuje wo (digitalnym) wuradźowanju kubłanskeho wuběrka. Mjez druhim su diskutowali wo prašenju, hač je namořwa ze stron kubłanskeho wuběrka na priwatne wosoby resp. lajkow móžna a witana, šule podpěrać při serbskich poskitkach.</p> <p>Dalši člon gremija namjetuje, zo bychu medije dyrbjeli wosoby předstajić, kotrež su na tutym polu hižo aktiwni, na př. w Radworju a Budyšinje.</p> <p>Po měnjenju hłowneje jednaćelki, njech to člonojo wuběrka tež na hłownej zhromadźiznje tematizuja. Městopředsyda Domowiny hišće doda, zo pak dyrbi so ze zamołwitymi w šulach tež wo tym rěčeć. Nic zo so zajimcy přizjewja a jednotliwe šule to potom docyła nochcedža abo potrjebu nimaja.</p>		

<p>9.</p>	<p>Wšelčizny a informacije</p> <p>Předsyda Domowiny informuje wo próstwje ze stron Załožby za serbski lud: Pytaja zwólniwych za jury, kotraž ma zapodate přinoški we wobłuku wobědžowanja “Rěč zwjazuje. Rěc zwězujo.” hódnoćić.</p> <p>Čłon zwjazkowneho předsydstwa praša so, hač su nastupajo předfinancowanja projektow nowe dopóznaća. Dalši čłon gremija informuje, zo přihotuje so wotpowědna změna spěchowanskich směrnicy, kotraž ma přidatnym počezowanjam towarstwow zadžělać.</p> <p>Předsyda Domowiny člonam ZP zdžěli, zo je Załožba Domowinu džensa popołdnju pisomnje wo tym informowała, zo je list wot SMWK wo pruwowanju wuslědka wólbow Załožboweje rady dnja 13.01.2023 dóšo.</p> <p>Čłon gremija zwurazni swoju přestapjenosć. Nima žane zrozumjenje za to, zo mějachu SN tydžeń do toho hižo informacije, hačrunjež běše to oficialne naprašowanje Domowiny. Postupowanje Załožby ma w tutym dypku za njeseriozne.</p> <p>Čłon zwjazkowneho předsydstwa džakuje so za přeprašenja NSLDž na předstajenja, kotraž hižo wjele lět člonam ZP připósćelu. Z tym so džělo člonow ZP na wosebite wašnje hódnoći.</p>
	<p>Přizamknje so njezjawny džěl posedženja.</p>

Po protokolu prezidija z dnja 08.02.2017 maja so informacije zasadnje pisomnje a dočasnje člonam prezidija posrědkować. Po protokolu ZP z dnja 29.04.2017 ma so posedženski čas gremijow na 4,5 hodžinow wobmjezować a mělo so posedženje najpozdzišo 22.00 hodžin skónčić.

protokol: M. Šusterowa
přehladałoj: M. Di Sarnowa, D. Statnik